

皇明經世文編

皇明經世文編卷之二百二十

陳子龍卧子 徐孚遠闇公

華亭

宋徵璧尚木 李雯舒章

選輯

朱積早服參閱

羣玉樓集

疏

李默

論宜大總制胡侍郎疏 大同戡軍

臣等竊聞 天子不敢一日廢大法以自侵壞其尊

故有遏亂之章有慢上之誅誠不宜過爲姑息以傷

大計今大同不逞之徒拊之不馴誅之不克偃蹇桀
驁豈復知有大法之可畏耶夫以堂堂天朝而使
一二悍卒敢與之抗此臣之所以日夜切齒者也
朝廷力非不能顯行大戮悉取而虔劉之徒念宗室
生靈至重萬一蹉跌傷損非細故不得已而爲前日
之師皆謂胡瓚等拔諸卿士之中授以節鉞必能夙
夜祇奉德意使元惡就鎖餘兇化順以紓陛下
北顧之憂然瓚才本疎庸非其負荷惟懷乘時徼利
之心罔識誓死討賊之義始桂勇斬獲郭鑑之時此

輩稱手待

詔不敢少動則固天威有以震懾之也。

此亦須有機會。議事易身。親較難也。

于此時果能單騎馳入鎮城拊循其衆則擐甲之徒可不勞餘力而解矣。璚旣不能出兵陽和邀迎首級致令大同驚憤尋有郭巴子報復之亂旋復掣兵貽示怯弱使反側不悅羈執桂勇以要代王而罪人終不可得者皆璚之罪也。夫首惡旣未盡誅餘黨旣未盡解璚何以歸報何以班師顧乃誘還代王引兵趣歸謬稱事已寧妥而以逋賊屬朱振方且刊布題稿傳送縉紳以干厚賞其欺罔負國如此陛下

將焉用之。前此本部嘗以用兵事宜請下廷議。衆謀僉同。調度頗定。中外大快。以爲明天子終不欲廢法如此。詎意竟爲瓚等所撓。而體勘之命下矣。臣切以爲逆軍反側不已。終不可制。情雖遠隔。執可逆覩。就使四臣者奉命唯謹。訪覈深得其情。然不過爲兩可之說。以持衎福。誰肯首發大難。爲陛下任計者。且總兵朱振有必反之歟。何也。振本以繫臣倉卒爲亂軍所擁戴。因而得佩印爲大將。是五堡者皆其恩人也。卽振無謀通內叛之意。然勢必不能制其死。

命以收其礦戾之氣。假令姑息之恩。終不可恃。怙終之刑。必不可免。振于此時。力既不能庇之。有如騎虎。勢不得下。欲不叛難矣。以臣而慮今日之事。誅亦反。不誅亦反。不如早爲之所。毋使滋蔓難圖也。今本兵進退視宰臣。宰臣視陛下而陛下又不能早斷。以遺之宰臣。本兵承望風旨。轉相遷延。一旦禍生不測。則陛下獨蒙其患。而諸臣者。悉得以辭其罪。此臣所以憂心疾首。愧瘁而不自知也。昔李唐用師淮蔡。憲宗力主其議。卒光唐祚。韓愈以不赦不疑。繇天

子明美憲宗之能聽也。今之欲爲裴度者。何必無人

顧。陛下明斷何如耳。然有以宗室生靈爲辭。從旁

梗議此。又昧輕重之權。慮事之失者也。今邊郡往往

效尤。朝廷威令漸以不伸。失此不制。諸鎮接迹而

起。鍾鼓此甚可恨也。

起不知。陛下何以待之。臣恐憂延宗社。非一朝

所能弭也。今不慮大亂。而區區顧忌。何異火起簷楹。

主者惡其毀瓦裂墁。不忍奮臂。而併付峻宇高堂。于

一燼哉。昔人潰疽解腕之喻。誠不欲以小忍償大事

也。况棄其所挾。示之不爭。而反有以全之者耶。臣願

陛下留神祐福之幾、深權輕重之筭、專意討賊以昭
陛下明斷之德體、勘諸臣、卽日罷遣勿行、然後奉

天命、發明詔、宣布逆軍反覆必不可赦之意、督責任
事之臣、期以旬月、斬賊還報、卽罔上誤國如胡贊者、
當先誅之以示顯戒。臣知陛下震怒之餘、當事諸
臣將必奔走率職、不敢逡巡避罪以誤陛下。此國
家今日大計。無令坐失自貽噬臍也。

書

上三宰相書

翊戴加秩

僕聞士遇而獲信于

天子其不遇而幸信于

天

子謨弼之臣今

陛下明聖僕何患遇顧事有偏繫

留籍中

執所難技慮非執事不足聞此敢緣所蒙念存斯義

唯執事聽之、比者

陛下降幾中之詔修翊戴之功

執事首膺異數進秩諸侯可謂曠世雋談矣昔二虢

不辭兩國之任且奭不讓齊魯之封其功大也誠在

優宜不爲過侈然而外內譁然不浹衆懷其說有二

小人曰相公汰冗食正典禮義不假于君親而乃自

利其爵爲君子曰相公畢命之臣無利之心雖然三

子並拜而官掖垂五王並封而武士橫相公不鑒功名自此去矣。夫小人之言，懟也；君子之言，愛也。懟者懷固其私，愛者要成敗以爲說也。夫是命也，執事謂盡出。上旨哉，卽不過左右憑藉以階寵耳。意其伺上勵精，倚毘遺耆，難以得志，獨計所嚴憚者，二三宰輔與臺諫數輩耳。乃者適覲茲隙，遂託焉以逞，以爲是足以羈縻之矣。觀其叙列吾黨，不及三四，而此輩已居八九，則其情狀先已敗露矣。先帝時左右謬寵奸賞，動及圭組，濫爵一開，使八柄遂入二五之手。

于命之禍幾至土崩雖其肇孽不可比類然究觀今日之勢欲至此無難也昔寧彬輩陷先帝降號淫遊慮朝議不從乃大賞勲舊而下而授之餌雖諫疏屢臻而依違者衆竟使先帝不終正位至今切齒所不忍言此執事所睹記也詩云殷鑒不遠奈何弗慎曩者執事釐復舊政所裁武員刑餘軍後不下二三萬頃又用諫官言沙汰僧道洵洵未定京師之人大半此類積怨懷訕已非旦夕頃見執事膺此懋典遂羣起側目謬生誹議夫一人之身而當衆怒之衝

正當出身當

之此何可避
竊爲執事不取也、昨者稱號之典、執事據禮執議、反

覆十數、雖曲加遷就、猶非宮闈之意萬一 上春秋

長盛、猝有媒孽、其事引據 祖訓、構貪天之言、執事

何以自固、今 陛下仁聖、僕誠周防失義、然執事一

祇命之後、此輩罔有希冀、執事能復忤之乎、僕慮正

色難矣、卽有否也、其構忿殆不可測、僕念 君相未

交、釀亂方自此耳、爲執事竊計、不若守奉 祖訓、堅

自遜避、決去就之圖、諸所蒙恩、亦宜正言裁罷、庶幾

人人知我謀國之心、雖其身奕世之業、猶將棄之、上

足以結主心。下以謝市里之謗。而中以破憮壬之
姦。使之屏氣攝息。不敢恣肆。然後天下之事可爲也。
邇來執事累疏抗陳。冲心光大。然時未獲命。物議未
孚。以謂姑徐徐取之云爾。且有病執事包羞之語者。
誠執事所宜亟圖。萬一持久間有絀誤。妄少指斥。虧
損大矣。執事勲藏盟庥。福澤在黔黎。子孫自宜世食
其報。奈何獲此而後爲貽謀邪。僕日夜詭量。敢以介
推之事。妄意規切。所恃執事休容。無以下體。默再拜。

與郡丞謝石浦節推徐玄江論地方事宜

流氓

數年以來、兵政廢弛、姦宄肆志、默自齟齬、迄今未聞
流賊如近年之甚者、向嘗屢言于當路、不蒙見省、是
以有今日流劫數百里之慘、聞郡中亦曾遣官領兵
追捕、卽仗威靈、勢或潰散、但主簿近已遷官、巡檢素
稱怯懦、況兵皆市兒、非如貴處民兵素閒技勇、令一

口驅之破賊、恐無倖理、伏惟明公深惟滅賊之計、無

聖上州賊竊發卽須撲滅日元水之禍可鑒也

徒苟安目前、幸甚幸甚、又天時積旱、四境秧苗、半已

就稿、山谷中穀價翔湧、其間富家往往深藏却糴、以
邀厚利、農民旣無力糴買、稱貸又不可得、用此羣籲

于默皇皇載道其意固謂默能達之于官府也大抵今日之事賊勢漸張饑歉爲恐倘蒙矜念地方討捕之外首乞防饑欲望舉前所陳下令嚴加禁戒一以此一吏之事也安待哺者之心一以裁富室專利之權使穀價稍平三農倚命庶幾盜弭民安而公等平日節用愛人之實意亦可以少慰矣

再與徐玄江論捕盜

捕盜

側聞賊勢猖獗諸公相繼發兵進討此萬世一時也緣彼賊素欺兵憲衙門不修戎備是以釀成今日之

患失此不大肆誅夷。建人其爲虜矣。默念恨數年。今始得從執事。發憤言之。聞賊見住遷陽街。此何異釜中魚也。但賊勢窮促。必至奔潰。四出。狡者潛逸山谷。强者決于一戰。若官兵悉聚向賊。彼將奮死求生。萬一約束未定。脫有蹉跌。人心披靡。不可復用。愚意軍民。兵夫旣集。宜選精悍之卒。邀其歸路。仍擇險據勝。多方設伏。以防奔逸。却以多兵迎敵。張大其聲勢。而以勁兵出敵之後。彼前懸兵盛。必致後却。而吾之勁兵。突發乘其驚怖。卽可以一當十。况歸路并各隘口。

皇明經世編

羣玉懷集

捕盜

八

平露堂

俱已設備。一鼓成擒必矣。而今之鄉縣吏○未○有○能○所謂潛逸山谷者往往巧

術賊者非徒不能亦不爲也

扮遊方僧道及各色人等尤須速行八縣令刊謄單

條小票遍發各鄉卹市鎮曉諭所在地方但有行走

慌張言語支吾搜出異常物件者卽便綁縛送官以

憑審驗且以此聲張于四境賊自無可避之地矣又

今所發兵如兩衛軍餘與建甌崇安建陽民壯絕不

可輕用嘗賊祇宜守禦城池及把截尋常關隘聊示

軍威而已卽如浦城松溪政和壽寧四縣鄉兵舊常

動調殺賊有功况熟知地利慣經戰陣若部勒有方

犒賞不吝其破賊無疑也。獨患有司出納率制。文移軍資不給。何以作勇。默謂當此用兵之際。宜破裂常格。毋惜厚賞。卽有應動錢糧。一而動支。不必一一呈請。如此庶免掣肘之患。期成滅賊之功。不然兵威雖盛。士心不附。非計之便也。

策

武舉策

集

問兵法曰。地生度。度生量。量生數。數生稱。稱生勝。卽茲以觀。王公設險守國。其擇勝者重矣。矧邊防

尤爲至險而至重者乎詩紀城朔方春秋書城牢
蓋有以也三代而下漢創五郡以斷匈奴右臂唐
築三城以扼默啜中吭宋置緣邊諸砦以禦遼夏
之衝突宜若得乎設險擇勝之法矣我國初設
遼陽諸鎮又開大寧于古惠州以捍東藩設甘肅
諸鎮又建哈密于古伊州以通西域設宣大延寧
諸鎮又城東勝于古朔方以守北門視古之設險
擇勝者同乎否與厥後改遷靡常封域猶故議者
欲復其故險或又以爲不便不知孰是與

謀國者慎無慕虛名而昧急務也。何也。名實之用殊。而緩急之勢背也。故有舉全國之力。以圖必爭之地者。君子謂之殖國。殖國者強。不忍尺寸之利。以邀難成之會者。君子謂之厲民。厲民者危。爲人上者。厲民以自危。豈其積慮然哉。起于慕虛名者之說之誤之也。是故國勢有常。導拓地不與焉。國威有常。伸服遠不與焉。執事以本朝邊防爲問。無亦申固疆宇之一道也。武子曰。地生度。度生量。量生數。數生稱。稱生勝。此兩軍相見。布壘陳列之事。非守國者之說也。雖然。

愚固知執事聊以開發難之端耳。請先陳國家開
創之形而後折衷往事可乎。且邊防雖廣。北藩爲重。
故西起甘肅。以跨寧延。連亘宣大。東盡遼陽。此則北
邊聯絡之大都。楊雄所謂界列區域。絕外內者也。然
非如此而已也。甘肅之西。封哈密。以統屬番。而西域
之崑崙嚴矣。大同之西。表東勝。以控河外。而麟府之
藩籬固矣。遼陽西北。闢大寧都司。以遏山戎。而畿輔
之屏蔽斥矣。于是內廣屯牧。外聯亭鄣。守以勁卒。督
以大帥。然後建瓴于神京。運臂于樞府。六塞長清。

軍麾不動此則 本朝制戎強國之要領也然自兀
良哈以義從而割大寧則盧龍以南皆屬之漁陽山
後諸州半爲虜有而喜峰潮河川以東皆阨塞也自
東勝以廣莫撤備則受降三城鞠爲榛莽虜騎盡收
于河套而花馬塩池之間皆偵諜也此其所繇來者
非無故矣乃若哈密者本以羈縻之地與罕東五衛
勢同車輔成化以還土番侵暴所封忠順王與其金
印徃往見據城郭人民凋殘殆盡則古之所謂斷匈
奴右臂者安在其可恃也夫大寧東勝棄之猶可言

也。哈密吾封國也。葉而弗卹。不可言也。雖然。今日之事。顧無急于此者。而執事廼諱言之。執事之言曰。王公設險以守其國。獨不曰。天子有道。則守在四夷。夫在昔禹平水上。舜肇十有二州。幅員廣矣。而苗民逆命。乃近在湖湘之區。宣王夙興夜寐。周道粲然。復興然六月之師。伸威僅及于太原而已。蓋嘗考謨于夏書。學詩于天保。然後知虞周君臣之際。其自治者。又每每如彼。魏徵曰。兩京心腹也。州縣四肢也。四夷身外之物也。夫心腹四肢。所謂急務也。如其舍是弗

圖而惟斃力于身外。曰吾苟以疆理故物。申固其封
宇。以靈承于先烈。王爾矣。此所謂慕虛名者也。而何
謀國之能。且設險擇勝。何代不然。漢開河西五郡。固
今之甘肅也。唐築三受降城。猶吾之東勝也。惟我

太祖高皇帝受 天明命。鞭撻四夷。雄圖重戍。所在
基布。蓋自昔所稱要害。鮮有不歸職方氏者。列聖
續圖。益隆修攘。百餘年來。京勝失守矣。而大同延綏
固百二之府也。大寧內徙矣。而山海薊州。固金城湯
池也。所謂厓執事之慮者。則曰關陝以河西爲門戶。

皇明經世編

卷之一

七

三七三

河西以甘肅爲唇齒而哈密則甘肅之藩籬也。以爲哈密不復卽金陝之虞而不知脫脫之苗裔鮮存故難立羗胡之登耗日離故難懷邊鎮之應援獨遠故難繼愚故曰慎無慕虛名而昧急務也。然則秉廟算者顧安所施耶或曰瓜沙苦峪其携離未協也豪酋內附未有寧心也速擅得志以來未遭挫習也愚則以爲賈胡性本貪婪利于互市其叩關要貢仰我鼻息者非一日矣使脩祖宗之政而救其闕卽嘉峪不必閉而西戎之悔禍有日也。然綏固之間套賊爲

愚往者東侵西犯。馳突不常。借寢息肩。於是乎在。今則以河套爲巢穴。而我師疲矣。萬一有如火篩者。猖狂其間。憂無大于此者耶。東鄙諸夷。歲通貢獻。我則有供億之勞。而道路險阨。邊鄙虛實。又其所習覩也。蓋嘗盜我徼塞。而委罪于他夷。已復索還俘虜。以邀厚賞。此其桀黠故智。類如此。况密邇畿甸。萬一有如董山者。背負恩德。肝腋之患。何可弗慮邪。詩曰。惠此中國。以綏四方。此守國者之至術要道也。

記

呂梁洪新脩堤閘記

呂梁洪閘

今神州雄莫燕薊衣冠玉帛貢篚之珍則壤之賦四方輳進其道徐而北者軸轡相銜至旁午也矧徐呂二洪石稜稜彌亘河腹森利錯迂以爲舟厄而呂梁延袤最廣蓋天下稱險焉雖上承汶泗泉湖委流而實倚濁河汴沁匯爲之助當其淫潦暴漲險不可睹功在篙師卽有枯涸舟輒膠滯頃年山東諸流頗疑涓細黃河又復南徙二洪愈益受病至厯廷遣大僚行水疏導節縮殆無留智水部主事東平徐君

有讓之治呂梁也。爲嘉靖辛丑、遘逢事會、弊力以圖、始于洪南置石閘、語在學士張公記中、已復築堤上洪、障絕漫流、歸之內洪、并掇水中悍石、甃爲堤岸、東西絕成牽道、凡七百二十一丈有奇、當狹處別作水門、水至此稍益深下、洪亦改鑿、內洪障以木閘、并甃堤悉如上洪之制、堤長減十之七、徐人稱內外洪、猶吳越稱大小港也。洪以東岸爲內、外盛則內外皆舟、涸卽專歸內港、非此則水漫力激、石始重貽舟病、木閘水門皆隨舟啓閉、以木方石、工力減鉅千、水門又

殊省凡如此者相地宜與物力以相屈也諸作于徐君蒞事之明年數月而畢夫匠以名計爲千五百三十有六並役諸在官者不以勤民糜帑藏穀謀秉慮調度停徵惟徐君能而畫可賦功獎成令緒則節使少司空萬安郭公持平力也又明年癸卯仲春予以赴闕出洪下周覽近蹟驚顧駭嘆以爲少時遊歷所未有方舟利涉爰思作者之勞而徐君適以記見屬又曷忍辭嗚呼君子圖事軌物將以濟時也今天制水旱地私川瀆運道阻艱妨國大計徐君乃能應

時裁變

今自加河間而運總計不收者于呂

尺寸之水

于石罅間

利濟萬艘

卒以力勝

此其才智不已偉邪漢唐漕東南之粟以餉關中所

經三門砥柱之險不啻呂梁也是時筦幹諸臣疏鑿

排繫固已不遺餘力厥後法日以弛運益告艱彼人

家國亦視以爲盛衰吁可畏哉繼自今有如甘雨時

降川祗效靈則洪流浩渺舟楫自便無所事智卽不

然徐君之法何可廢也舍是弗圖脫有緩急非轉般

則海運耳斯豈盛世所宜聞然則後之君子寧無感

于予言而重修徐君之舊者乎徐君職競維思憂形

于色旣以身爲國役而又以圖其後人其用志弘且
遠矣

皇明經世文編卷之二百二十一

華亭

徐孚遠闇公 陳子龍臥子

選輯

宋微璧尙木 吳培昌坦公

董姚申士餘叅閱

程文恭公集

疏

程文德

滅虜六事疏

滅虜

臣惟中國之於夷狄也猶主之於奴也猶首之於足也足不可以凌首奴不可以犯主章然明矣今北虜

敢率醜衆犯我中原前此猶未敢深入也自去年始
迫山西太原罹其荼毒野草猶腥今年則復過太原
夾縱橫蹂躪任其所之如蹈無人之境其藐視我中
國可謂極矣昔我成祖嘗奮揚天威三掃其穴豈
知今日遽至此乎臣竊恨之且虜騎二十八萬衆據
其凶狼之性一虜止殺一人卽不下二十八萬人也
况何止一人乎合其人馬五六十萬五六十人馬破一
家卽不下十萬家也况何止一家乎此誠上下汲汲
遑遑食不甘味臥不安寢之時也昔周禮邦有大故

則不舉、又以吊禮哀禍哉、以恤禮哀寇亂、憫之至也、
乃今如何、萬一此虜今年得志而歸、則來年猖獗、當
又益甚、犬羊之性、愈縱愈驕、則我中國之禍、日慘日
酷、此固必然之勢、不待智者而後知也、臣職列兵屬、
憤懣不任、况奉 明旨、輒敢條陳六事、上贊 廟謨、
倘可采擇、卽賜施行、

一曰聲虜罪以激人心、臣聞古昔帝王、將討叛而誅
逆、必誓師以聲罪、征苗之誓、于甘之誓是也、我 太
祖之北伐也、亦羽檄先馳、義正辭嚴、人心響應、檄有

助焉。今達虜世爲邊患，邇人恨入骨髓，茲復大舉入寇，荼毒傷殘，此其罪惡滔天，神人之所共怒，天下之所共憤也。惟我皇上，無迅掃誅滅之志，則吾人固飲恨以死矣。皇上誠恭行天討，大誥四方，列其罪狀，數其稔惡，必欲殄滅而廓清之，則河北山陝諸路之官民，將感激涕泣，以爲今而後得反之也。誰不荷戈響應，羸糧景從，而快其復仇之志哉！兵出無名，事故不成，說以犯難，民忘其死，三軍之士，將不戰而氣自倍矣。二曰隆殊禮以延名將，臣聞何代不生

才何才不樂用。顧招徠鼓舞之者何如爾。燕臺築而
豪傑至。伯樂生而騏驎名。誠未聞借才於異代。求良
於絕域也。今之名將。誠亦罕矣。然安知無隱於邊塞。
遜於江湖。沉於下僚。擯於廢棄者乎。或拘之以資格。
繩之以苛刻。而不能盡其才乎。欲建非常之功。必賴
非常之才。欲致非常之才。必隆非常之禮。皇上誠
渙大令。號召於四方曰。有能滅虜者。吾列爵以侯之。
而先崇壇以授之。重權以寵之。殊賞以勞之。乎之以
心腹焉。要之以明信焉。如此而將才不得。忠義不奮。

臣不信也。將得而兵可強，兵強而虜可滅矣。三曰：權兵食以濟時艱。臣聞古者寓兵於農，平居則爲比閭族黨，州鄉之民，有事則爲伍兩卒旅師軍之衆，田野倉庾之積蓄，卽征行士馬之芻糧，制甚善也。自兵農之制分，而兵食之匱久矣。今日凡隸於行伍者，皆不識戰陳之兵也；運於舟車者，特僅支承平之食也。持此以禦敵，適足以馴虎牙爾。故臣竊恐調發皆無益也。夫天下之民，皆皇上之兵也；天下之財，皆皇上之糧也。患無爲感激號召之爾。誠傳檄畿輔山

陝河南諸路示以急難之義激以靖寇之忠今守土之臣各倡義兵募精銳勇悍之夫給倉廩府庫之食家自爲戰人自爲防而皆統於大將事寧之日秩勞而還各復其故則天下皆兵郡縣皆食而虜不足滅矣。四曰明賞罰以作士氣臣聞礪世磨鈍非賞罰不行勸善懲惡非賞罰不立故曰賞罰者人主馭世之大權也將領得矣兵食足矣而賞罰不明欲其成功不可得也邊陲往事莫可追已議者率以爲悍卒之驕橫功罪之未孚此人心之所以不平而英豪之

所以解體也。臣請速布 詔令。與民更始。自今有功必賞。賞不以疏賤而遺。有罪必罰。罰不以豪橫而貸。較若畫一。信如四時。則願垂休光於竹帛者。孰不出萬死以策勲。臨危機於戰陳者。其肯甘退縮以抵罪哉。是故賞罰明而士氣作。士氣作而虜可滅矣。五曰招脅從以攜賊黨。臣聞敵多則力分。與衆則兵強。今之達虜聚而不分。此其鋒誠未可與爭也。故當先設法攜散之。聞其黨多我中國人。方其去時。不陷於搶擄。則迫於逃亡。而非其樂也。今雖同入寇也。必猶

知告語焉。請亟布令。凡我中國人。皆脅從不得已也。其勿殺。有能歸降者。卽復其土田。完其室廬。給之婦女。且先給帖。以示其可信。又令有能誘至一人者。賞加首級一等。則人孰不樂我中國之生。而甘心沙漠之外者。復廣募間諜之士。不惜金帛之費。使如陳平事不。法。者。多。有。其。能。用。之。間。以。招。之。者。必。有。意。者。之間楚焉。則其黨必攜黨攜。則與不衆。然後可圖也。

且或用此輩以收虜。則又事半而功倍矣。六曰乘危懼以防未然。臣聞有備無患。事豫則立。政之理也。物極則反。勢窮則變。治之幾也。我國家邊備廢弛。

至今極矣。今乃猶不及變。豈知其所終乎。傳謂七年之病。求三年之艾矣。自今畜之。猶或可及。臣愚請自今日乘危懼之心。圖善後之計。九邊諸鎮。悉加綜理。以五年爲期。竭天下之財以從事。殫天下之力以有爲。自選將練兵。及繕墩葺堡。凡百區畫得人。若理家事。無弊不革。無利不興。則邊城有金湯之固。胡人絕窺伺之心。以一時之患。易百世之安。是亦多難殷憂之助也。且使後人蒙福者。咸仰大聖作爲。出於尋常萬萬。豈不偉哉。若曰賊至則備。賊去則怠。因循苟

安猶今視昔竊恐此虜之患年甚一年噬臍之悔後將何及

禦邊四事疏

曩者臣憤北虜之逆嘗三上疏未獲施行今年虜患益熾臣計莫知所出然實寤寐懷憂仰屋竊嘆而不能一日忘也昨該本部具題奉聖旨着各衙門如有禦邊事宜各另悉心具奏於是臣復感奮而思吐其未竟之說臣聞抱憤者無舒容庸愬者無緩辭勢亟而情迫也今日之勢亦甚亟矣四年以來虜入山

西蠶食之勢日以廣、屠掠之毒日以慘、三尺之童咸知明年必更深入。河南畿輔將有剝膚之患也。則何以待之。夫中國夷狄自古相爲盛衰。至趙宋而極矣。詩云殷鑒不遠。在夏后之世。趙宋則吾之鑒也。今誠以爲鑒而懲之。圖之早。待之豫。則小懲而大戒。一統之盛可長保矣。臣愚無他奇謀異計。可上陳也。亦惟欲銳志理財用人定議而已。此四者人亦嘗言之矣。而臣則欲奮發以從事也。何也。今日之事。財用爲先得人爲要。是故理財用人斷乎不可易也。然不始之

以銳志繼之以定議則雖曰理財財不可得而理也雖曰用人人不可得而用也臣請究言之臣所謂銳志者何也古管帝王建事詢謀必曰朕志先定宋儒程顥亦曰君志定而天下之治成臣伏聞皇上大內咨謀恒先邊事聖諭屢歷惕若惘惘我皇上之志不可謂不銳矣顧今之邊患迥異尋常而中外人心望救於水火之中者甚切也自非天威震動綸音渙發以明示天下之趨嚮以與天下立命則四方萬里之遙或猶未能悉朝廷之德意也臣愚尤

願皇上赫然斯怒，傷西藩數千里州縣殘廢間井丘墟，若與此虜不共戴天也。下哀痛之詔，明復讐之義，特遣行人分下山西諸郡縣，以吊遺黎之疾苦，以慰寬愁於冥漠，以聲逆虜滔天之罪，以激將士雪耻之忠。尤復布告天下戮力一心，翼戴王畿，誓清邊徼。將見生者有所矜，死者無所憾，忠義之士感奮而興，智謀之夫踴躍自効，豐財穀者，或如卜式之願，助邊懷慷慨者，或如李廣之願死戰，以吾天下全盛之力，禦此窮荒有限之虜，雖窮追於狼望之北，勒銘於

燕然之巔、直易易爾、又何至束手無謀、駢跪就戮、若此數年之大怯、爲逆虜之所輕眇而笑侮哉、是故臣願皇上之奮發以銳志也、銳志以建事、則莫先於理財、臣所謂理財者何也、臣聞非常之患、非循常之所能揅也、傳曰、視遠者不顧近、慮大者不計細、天下安危之所繫、而不舉天下之財力以從事、臣不知其可也、譬之小民、平居無事、以財爲命、節縮奇贏、錙銖必惜、一旦有急、則雖傾貲亦不顧矣、何也、患難切身、而財猶外物也、豈以天下之謀、而反輕於一夫之計

耶。今揀目前之患。則兵糧爲急。爲久遠之計。則修邊爲要。此二者財用之需。何紀極也。聞邊軍日不聊生。皆厓然而病矣。馬皆玄黃而瘠矣。弓矢戈甲皆朽敝。且不堪提挈矣。而何以利用乎。人馬一枝。額稱三千。調遣征備。動曰幾枝。其實有馬者僅一千。爾遇征發。則其二千皆徒行從後。走且僵踣矣。而何以禦敵乎。此胡可以不補給也。賊禦之門外。猶易爲力。禦之堂與實難爲功。今邊牆蕩然。虜騎突來。良平無所施其智。賁育無所施其勇矣。此胡可以不修築也。是故無

財用是無人馬也。是無邊牆也。雖有將帥，將安爲乎？無人馬，無邊牆，無將帥，則中原實與虜共也。虜獨笑

人將以謀累

爲而不至乎？古之稱名將者，貴其謀勇。今之爲將帥

則勝今之

秋功

者

明

稱曰

言

軍

奮

勇

先

果

若此

者，則貴其敢死。何也？旣無所恃，則暴虎馮河而其勢

心是也

然也

孫

吳

之

不

作

久

矣

也

也

也

不得不死也。當此時而爲將帥，不亦難乎？故曰今日

之事，財用爲急。臣愚請掄選心計忠實之臣數十輩，

授以方畧，親詣各邊相度查理。某邊如何而修，該費

若干，某處該補軍若干，補馬若干，糧料若干，器械之

費若干，合諸邊之費，總計若干。於是視費以爲斂量，

出以爲入。計戶工二部太僕之所儲足充幾何。計天下之鹽課之權稅足充幾何。計順天開納之儲及各布政司府錢糧之蓄足充幾何。其猶未足也。則臣謂天下之富聚於京師。請令輸銀千兩以上者。或授以指揮。或表其門閭。其猶未足也。則請勸借天下之富民。或授官表宅。亦視京師焉。又不得已。則視殷阜之地。而量令其助役。亦不爲過。務足原擬之數。期以數年底績之後。而復其常。將見詔令既下。人將響應。而又復諸邊屯田之舊。以盡地利。復國初鹽法之

制以來商人則財用無不足矣。或曰：今民困甚矣，借民不以過乎？臣則曰：北虜之患，天下之憂也，輸其財

孰與亡其身也？況

君父之急，人心所同，是故臣於

理財不欲小小補塞。若污糞土之牆，隨壞而隨修，寧

小小補塞財費而事終不舉今之謀國者皆然

易以輓石之資，一勞而永逸也。夫財既足，然後經濟

有資，而人可得而用矣。臣所謂用人亦有說也。夫天

下未嘗無才也。語曰：重賞之下，必有勇夫。激而後勸，

中人之性也。一韓信也。籍視之衆人，不過爲亡卒。漢

高登之大將，竟蹙項而誅秦。信非前愚而後智，前怯

而後勇也。御之不同。爾今誠令於天下曰。凡能滅虜者。予之十萬金。封之列侯。無愛焉。則奇傑者出矣。他日之奇傑。卽今日之未嘗物色者也。而又有功必賞。有罪必刑。誰肯就刑而避賞也。然臣尤有說焉。夫今日之用人。不可獨委之本兵。猶理財不可獨委之戶部也。譬之理家。無事之日。酬酢交際。各循其常。士農工商各執其業。一遇寇侮。則百務並廢。大小一心。咸以禦侮爲事。必濟於艱而後已。今理天下何獨不然。臣謂宜令中外百司庶府。咸乘時圖幾。秉德明恤。其

中素懷經濟忠誠勤恪者各許其長辟舉或會薦必
待數百人隨才器使各效其能而又不限以類凡善
謀猷長騎射者許其自獻聽用若越勾踐之返國也
君臣上下聚精會神臥薪嘗膽復讐之外無他圖焉
則意嚮專一羣策畢舉虜不足滅矣夫財有所資矣
人有所恃矣而臣尤欲定議何也臣聞難得而易失
者幾也難成而易敗者功也事幾所會功業垂成之
際天下人心方爾屬望而廟堂之上或撓焉則
大事去矣凡以持議之不堅也若郭子儀之在唐爲

朝恩元振之譖，屢起屢廢，而唐難終不能平。李綱、岳飛之在宋，大敵幾就禽矣，然或罷以謝金人，或速之班師而宋室卒陷，偏安之禍，此忠臣義士所以至今扼腕憤嘆而不平者也。然則人才非用之難也，信之難也，謀議非行之難也，持之難也。頃者若總制大臣方設而隨罷，中外駭愕，莫知其繇。及虜旣入，始倉皇議復，亦已晚矣。且事必酌宜，兵難遙度，往見制撫諸臣論奏，廷臣從中或懸斷異同，此何異於醫對病之藥而欲更其方以爲智也？臣願自今廟謨既定，終

意出論事乃審辨之言廷臣聚議未必皆中紀宜
反令人爭明不若待其後到其功罪爲得也

始不移衆志所安。順從勿逆。利害呼吸之際。無妄生
異議以惑人心。成敗未覩之時。無輒肆論劾以阻士
氣。隆閫外之寄。寬文法之繩。有所請也。必若拯溺救
焚以應之。雖小挫也。猶益兵給餉以援之。必使其伸
縮進退。莫之掣肘。而後可以責其成功。三軍之寄。萬
民之命。惟閫外是聽。而吾何所與於其間。吾惟期於
靖寇安邊而已矣。使昔唐宋之持議者。而出於是。則
彼子儀李岳胡爲而不成功哉。無使後之視今。猶今
之視昔。則臣之所大願也。蓋銳志於始。定議於終。而

理財用人期有成績焉大幾于焉而決大業于焉而定生靈永無塗炭之憂而宗社鞏於磐石之固何

其盛哉然此實今日之所易致也思昔宋之天下自

故此復敘其勢力之異

河以北大半非宋有也而又契丹橫行元昊竊據女

直繼興敵國四面兵力寡弱而韓范張劉諸臣猶能

折衝保障乘勝挫賊逮至南渡自淮以北又復非宋

有也區區東南兵力愈屈矣其臣猶銳意恢復屢建

奇功使其上下一心則宋可以不南而南遷可以不

覆也今我國家一統全盛自古所無而又遇中

興之會我 皇上大有爲之君當此財力富強之際而臣工乃不能禦此一隅之虜不將爲宋臣所笑耶過此以往虜勢日盛屠掠日廣吾力日弱所謂雖有智者不能善其後也

車戰事宜疏

車戰

竊惟今日之事莫大於邊防二年之間屢奉 聖諭憂思虜患惻若惻痠聞者莫不感動昨復奉 旨行取都督魯經軍門以爲先事之備聞者又莫不嗟嘆私相告曰我 皇上深居九重而念切邊陲如此吾

屬今年可無憂矣。然臣猶有慮焉。邇者集議邊事。凡
兵食諸策。皆已詳盡。獨捍衛一事。猶未之及。臣恐兵
食雖足。士馬雖強。而臨陣終不能當虜衝。亦徒勞而
無功也。何也。蓋虜將接戰。必先馳騎奔衝。衝動則進
不動。復還其勁悍慄疾之狀。人見之而辟易。腥膻羶
羯之氣。馬聞之而噴縮。我軍之勢。旣已披靡。虜然後
虎翼而進。則我曾不得試一技。而束手爲戮矣。則我
之不利。常由於不能當虜之衝也。然則捍衛非所當
先講者乎。今之捍衛。惟恃干楯。人馬蹂踐。干楯何在

川車

以當虜衝。雖戰。

之。特。有。守。之。意。所。以。自。固。其。營。也。

乎。臣於去年正月。嘗上疏請用車爲捍聯以鉤環其
上置器械。士馬皆擁車後。則虜不敢衝。衝亦無恐。而
鉉砲槍弩。且惟意可施。左右夾攻。亦相機可動。萬一
不利。馳歸。亦有營宅可依。夜則旋繞於外。守在是。戰
在是。營亦在是。一器而三利焉。不易之制也。雖蒙
議未竟施行。遂使古今百試百驗之法。當此邊防如
焚如溺之時。而不得一試。以坐觀其敝。及其敝也。則
又東西委咎。竟末如之何而已。寧不令人抱憤發狂。
而欲爲邊人大慟也哉。臣敢歷稽古今成法。以明車

之必可用。虜之必可禦。誠不忍坐視車之受誣而終以虜爲難制也。惟皇上垂察焉。臣嘗考之三代以前。見於經傳者。如曰戎車旣安。如輕如軒。尹吉甫之伐玁狁也。曰方叔涖止。其車三千。方叔之征蠻荆也。曰四牡騤騤。君子所依。小人所腓。亦玁狁之故也。玁狁卽今北虜也。三代以後。載諸史冊者。若漢衛青擊匈奴。用武剛車爲營。晉馬隆擊鮮卑。山監爲偏廂車。地廣爲鹿角車。轉戰無前。魏太武北征柔然。車十五萬兩。遂度大漠。柔然怖畏。不復敢南向。唐馬燧爲河

東節度使爲戰車，冒以狻猊象，列戟於後，行以載兵。止則爲陣，宋宗澤嘗修戰車千二百乘，以禦金人。匈奴柔然金人皆北虜也，禦虜曷嘗不用車乎？昔武王問於太公曰：「車與騎，步所當幾何？」公曰：「車者軍之羽翼也，所以陷堅陣，要強敵，遮北走也。」宋陳祥道曰：「古之用兵，險野人爲主用，車而主人也。易野車爲主用，人而主車也。車之於戰，動則足以衝突，止則足以營衛。將卒有所託，兵械衣糧有所齎。」真宗時困於契丹，吳淑請復古車戰之法，曰：「匈奴所長者騎兵也，苟非

連車以制之。則何以禦其奔突哉。故戰之用車。一陣之鎧甲也。可以行止爲營陣。賊至則歛兵拊車以拒之。賊退則乘勝出兵以擊之。出則恃此爲所向之地。入則以此爲所居之宅。故人心有依。不懼胡騎之陵突也。皆言禦敵之不可無車也。而淑之言尤爲痛快。若爲今日而發也。車曷爲而不可用乎。此往古之可稽者也。臣載考我朝成化年間。總督宣大軍務尙書余子俊。奏議內一疏。專請成造戰車。大畧謂禁暴誅亂。非車不可。追憶天順年間。臣守西安。曾辦車料。

送至寧夏造車、用無不利、今大同宣府地方、門庭寇至、車戰爲宜、大率以萬人爲一軍、戰車五百餘兩、每兩用步軍十人駕拽、行則縱以爲陣、止則橫以爲營、營車空闕處、以鹿角柞補塞、凡戰士器械、不勞馬馱、乾糧不煩自齎、別處伏兵、亦以鹿角柞、如車自衛、若虜對壘相持日久、則隨處伏兵、或首遏、或尾擊、取便策應、運無足之城、策不飼之馬、此係億萬年簡易守邊一策、近年總制尚書劉天和、亦請用車、車柞相間、二式見存工部、見者翕翕然以爲可用、今宜大猶昔

也。總制猶昔也。而車之用。獨不可如昔乎。此又當今之可稽者也。由是觀之。古人凡戰。皆用車也。而於虜尤急。今用車非必戰也。而於守爲要。平沙曠野。漫無憑依。絕壘孤屯。懼心生矣。虜復雄奔。誰能禦之。誠得車爲營衛。則存在皆連城。縱不能收必勝之功。亦可。以爲自全之計。此事理之甚明者也。在在自全。聲援四集。虜必可滅。古今明效。不可誣已。不然。雖將如孫吳。士如賁育。恐終不足以當狡虜奮勇之衝。而徒爲暴虎馮河之悔。無益也。伏望皇上俯垂寬度。勅下

該部議定車式行令總制等官凡隘口把截及平地
劄營處務要仰體聖心先時預備或有緊急暫買
民間小車修改一面晝夜制造則兵糧既裕於徃且
而捍衛尤出於萬全今年或可無長驅之患將來遂
可收掃蕩之功何其快哉或謂車便廣野不便險隘
臣則曰兵添易野險野易戰險戰皆用車也特其法
少異爾或疑車畏焚臣則曰夫舟豈不畏溺也而未
嘗廢舟也在吾有以防之爾或又疑虜之入常乘吾
所不守車將安施臣則謂關之外或有所不守也關



之內吾所必守也。不守而不能禦，守而必禦，其入也能得志乎？或又疑車或不足捍。臣聞前年山西警報，虜將迫井陘，官軍莫能制。至洪善鎮，鄉民倉皇盡砍棗枝布地，虜騎遂不能進。因而北遁，然則凡物皆可捍也。而况於車乎？其必可禦而不足疑也，又明矣。臣故曰車之禦虜也，猶對病之藥也。而古今所載則皆經驗之方也，棄而不用，病可瘳乎？

議睦妃瑩疏

妃瑩

臣於本月二十日奉 欽命會官前詣金山相擇睦

妃何氏墳地已該臣等會同具題復 命但臣猶有
愚見昨會本中難以悉言今思終於不言是自欺也
臣不敢也臣伏見金山一帶約長三里中間新舊
陵墓約計二十餘處支隴高下封塋殆遍昨經審擇
似更無餘臣查得先年 英廟妃墳一所共十七位
憲廟妃墳一所共十三位當時地尚有餘不嫌同祔
去年宜妃包氏靜妃陳氏逝欽奉 聖諭昨二妃相
近而逝可同一地爲墓我 憲宗諸妃皆同處者且
省民力一分是同藏之便 皇上已有成命矣昨所

皇明經世編

古文選小集

卷之

大

平露堂

擇地一處切在二妃墳左臣見本墳壙域甚廣左右
可容見今工作未完并耐睦妃尤便况體魄所藏神
靈依附懸處孤寂亦或未安又况去秋虜警上軫宸
衷若使兆域仍舊守者增新人衆力多亦可防禦蓋
臣反覆思之如此則於地爲宜於靈爲妥於守爲易
一舉而三便焉故臣不敢不爲 皇上明言

書

與翟聯峯總制書

論戰車

聞我軍不敢與虜對敵久矣此非強弱之不倫實以

前驅之無捍也。彼以奮死之衝。而吾徒以血肉當之。誰不潰越而糜爛者。又何敵焉。則捍衛之具。所當先講者。莫如用車。去年上疏垂成。竟爲誤國者以小嫌妨大計。茲復上請。乃得議行。此實古今已試之成法。亦明公昔日所謂先得我心之同然者。聞余肅敏公舊車尚存大同。但其制頗大。恐不便。劉松石公所制。則隻輪輕捷。以小鹿角柞相間而安。咸謂此可用於今日也。人情難與慮始。可與樂成。愚意請公暫借民間小車列營。比度一營用車幾何。設牌於前。安器

械於上。一試其法。令將士觀之。人未見其可以戰而先見其可以自衛。將無不樂從矣。更相宜生智隨事曲防。益盡其制。其爲利也。當尤邁於往昔焉。

再與翟聯峯總制書

論戰車

某愚疏聞且頗式諸鎮。不勝喜幸。非專言之幸也。喜我軍之有捍也。夫先有以自捍。而後可以禦敵。竊思軍字之體。從蓋從車。是無蓋無車。則無以爲軍也。古之制字。良有深意。古之車法。不傳。故軍法不傳也。今之捍蓋。惟以防牌。防牌不可恃也。某則謀倣古意而

欲以車爲立地防牌也。邇聞將士或有疑者。大率人情不可與慮始。而可與樂成。某則欲公姑試之於教場也。集民間車百餘。上加木牌。置器械。令步騎隱其後。如對壘狀。以健馬衝之。如衆心無懼。即可用之。又聞議者謂虜見車。或不衝。卽亦無用。此亦過慮也。使我軍皆列車。則在在皆不可衝。皆自全矣。彼之深入。能無懼乎。傳曰。卜以決疑。不疑何卜。諸將士苟有必捍之心。則車必不疑也。卽疑車之不可用。當求其所以可用。若徒有疑畏之心。而卒無求用之計。是亦終

於無捍而已矣。

與人議戰車書

論戰車

辱教捍車事。謂軍士疲憊。恐不能用。又未訓練。恐臨時誤事。弟意正謂軍士疲憊。故藉此遮蔽壯膽。庶立得住。立得住。斯可用器械矣。正欲先於教場。結數百輪演習。試人心如何。不可慮始而可樂成。人情然也。豈可不預演習而徒拚勝負於臨時也。昨已以此意再告聯峯公。不知決意先一試否。一試則人心必樂從矣。吾兄亦預有守禦之責。既然轉達。卽請任其事。

演之教場如何。我軍見虜如羊。見虎虎逐來時。羊得一藩籬亦可幸免。今舍車而不用。是又恐藩籬爲不足恃。而欲棄之也。且車出器械又如藩籬露鋒刃於外也。虎之來也能無傷乎。我軍必不能迎戰。恒欲自守。今若更有可守之具。則車誠拙計也。苟又無可恃。而徒疑車。不猶欲保羊而自撤其藩籬乎。亦終付之無可奈何而已。曷不告軍士曰。常年不用車。必敗也。今年用車。亦未可必也。與其不用車而必敗。孰與試用車而或不敗乎。則軍士亦將無辭以對。而惟我所

用矣。大抵國家欲爲萬世之利，非修邊不可也。欲爲一時之保，非用車不可也。今歲歲修邊，牆牆未完而虜或至，則用車以自保。迫牆完，斯爲守墩嬰壘之計。而拒之於邊外，此書生之迂議，或亦禦邊之確論也。